



O pulo cultural da produción galega nas artes ten no concello de Gondomar un escenario permanente ao longo do ano. Para vencellar o perfil, a Concellería de Cultura local apostou por un programa de lecer para este verán onde os protagonistas serán unha escolma de grandes artistas da terra que percorreren o municipio dende o vindeiro 1 de xullo ate o domingo 23 de setembro.

No eido musical os gondomareños e visitantes poderán asistir, entre outros, aos concertos que brindarán Susana Seivane, Ruben de Lis, Noitarega, Os Irmandiños de Vincios, O Coro Tradicional Cantares do Brión, e os senlleiros Os Terribles de Donas. Tamén haberá espectáculos con bandas novas como Los Lentos e Blue Jeans, así como espectáculos tradicionais coas bandas de gaita Falcatrúa, as agrupacións tradicionais de Vincios, Chaín, Borreiros, Morgadáns e Peitieiros, . Por si fora pouco, soará na vila a música do Cuarteto de Corda, a Orquestra de Cámara Infantil e Xuvenil do Val Miñor e A Banda Escola Infantil de Vincios.

Unha morea de artistas, músicos e actores da terra animarán o verán 2012 en Gondomar.

Escrito por Redaccion @valminorinfo
Venres, 29 Xuño 2012 20:31

Pinga Teatro, Grupo Teatro Aturuxo, Expresións Producións Contacontos, son algunhas das compañías teatrais xa confirmadas no programa. Por outra banda, unha carteleira cinematográfica con títulos infantís e populares percorrerá as parroquias de Gondomar.

[Para descarga a carteleira completa preme aquí](#)